

雲南水道考



雲華水韻

及五齋

吳興劉氏  
嘉業堂刊

雲南水道考序

同里李靜軒先生本其父平齋之學爲戚鶴泉再傳弟子以嘉慶癸酉拔貢官滇中歷十餘任綽有政聲制府阮文達公令纂雲南通志書成授簡其子煥燾摹繪全省輿圖稱爲名作嘗撰萬山綱目同人刻入台州叢書續編又爲水道提綱補訂今佚不傳蓋先生歿後家遭回祿著述殘燬不完故也此雲南水道考殆亦修滇志時所作其地理之學可與顧景范胡震滄戴東原洪稚存李申耆相埒而與同郡齊息園後先輝映矣惟是邊徼山深菁密往往人迹所未經番夷譯語每易傳譌如魏默深以雅魯藏布江爲金沙江源人嘗非之黃楸林

游歷印度著書謂舊圖誤以藏江連蒲蘭布達江近年  
英緬界約云大盈江卽檳榔江湄江卽瀾滄江瓦勒瓦  
諦江卽大金沙江薩爾溫江卽潞江皆滇水之大者若  
非親歷其源流固未易以臆決歟余從友人得先生遺  
書已刻其古禮樂述入叢書後集以此編寄翰怡京卿  
京卿欣然許爲刊布必將博訪周咨以賞奇而析疑也  
因系數語於後闕逢攝提臘月後學楊晨

雲南水道考卷一

嘉業堂叢書

黃巖李誠

北盤江

北盤江卽古存水水經存水出犍爲郁郅縣是也今爲貴州威寧州有二源一出大梨樹一出賜得田合流爲瓦岔河東流至雲南宣威州圍幃爲圍幃河右會得吉河水

得吉河源出宣威州西北三十里分水嶺北流經備開邨西又北流左會斷山水口○斷山水源出宣威州西五十里大幞山北北流經斷山口又北流會得吉河○兩源既會東北流入瓦岔河

又東流經打廠夸都又東北流至可渡西爲可渡河又東流經可渡河橋又東流至阜衛右會阜衛河水

阜衛河源出宣威州北六十九里倘塘驛西北山爲三岔河東北流至阜衛爲阜衛河北流會可渡河

東流爲楊柳河又東流經鷓鴣山北又東爲女兒河又東入貴州界而宛溫水自西南伏流來會

宛溫水亦盤江西南源也源出宣威州南四十里束屯北流經長沖又北過龍山鋪又北爲龍津又北流至雙壩左納乾河水

乾河源出宣威州西南水洞頭東流爲歸沙河又東至箐門前爲乾河又東流經淇橋鋪南東流至雙壩



入龍津

又東北流爲宛水右納溫泉水

溫泉一名溫水塘在宣威州東南六里西流入宛水  
漢地理志宛溫名縣以此

又北流左納老浦沖水

老浦沖水源出宣威州西老浦沖東南流左納費沖

水又東南流至州南右納遙坡水

遙坡水源出州西遙坡東流經廟山

北東入老浦沖水又東北入宛水

又北右納龍潭水爲龍潭河又折北左納朱屯水又北  
左納何屯水又北經大屯東左納龍洞水

龍洞水源出宣威州西北龍洞東流入龍潭河

又北經以把羅南左納平川水

平川水兩源一南流一東南流至凹凹路南而合東南至以把羅南入龍潭河

折東北流爲革香河右納勺納河水

勺納河源出宣威州東八十里西北流入革香河

又東北而伏經大山數重東北出會可渡河爲盤江

盤江旣在貴州威寧州地會可渡宛溫二源又東南經普安安南二縣北境納拖長江又東南會馬軍寧谷諸河又南經安順興義兩府境又南入廣西泗城府北把蘭邨境會南盤江爲紅水江

南盤江

南盤江卽古溫水水經溫水出牂柯夜郎縣又東至鬱  
林廣鬱縣爲鬱水又爲古豚水前漢志鬱林郡廣鬱縣  
鬱水首受夜郎豚水東至四會入海過郡四行四千三  
十里豚水卽溫水夜郎卽今霑益州今南盤江之源出  
霑益州西九十里花山洞曰交河其隔山卽車洪江也  
河東流經白浪三川又東流至松林東南流經石佛停  
舟有巨石如舟屹立中流又東南流經九龍山下有石  
竅九水由石竅入出大谷中十餘里經天生壩層巖歷  
級其第三級高數十仞中有洞曰仙人洞昔人引水分  
爲二東流者稍狹流抱數山至抱覺菴而涸西流者曲  
曲三十里折而東北至黑橋折而南至太平橋玉光谿

自東來注之

玉光谿源出霑益州東玉光邨西流入交河

又南沙河自東北來注之

沙河源出霑益州東五里高橋一名高橋河西南流  
至太平橋入交河

折西南流至州城西南梅家閘而西北源臘谿南流來  
會

臘谿一名阿幢河交河西北源也源出南寧縣西北三  
十餘里翠峰山西盤龍山隕口北北流折東南流爲雙  
河合半個煙子沖兩源東流經鳳皇山麓又東南流爲  
臘谿二十餘里經阿幢鋪爲阿幢河南流至霑益州西

南梅家圃會交河交水得名以此

交河既會臘谿水又南流入南寧縣境右會白石江爲北河

白石江有兩源一出馬龍州東二十五里石崖間爲響水河東北流至馮家橋左會札海子水一爲札海子水源出馬龍州界乾海子東北流經茶亭哨至王家屯會西山河西屯河水又東北至三岔堡會三岔河水東南至馮家冲會響水河兩源既會東流至白石江橋舊東流入河嘉慶十五年改折南流至柳家壩入北河

又南流經曲靖府城東又南流至城東南瀟湘江自西

北來注之

瀟湘江源出馬龍州東南木容箐東北流繞勝峰山  
西麓折東流經勝峰山北麓曲靖府城南過瀟湘江  
橋舊東流入河乾隆十年改折南流至陶家壩入北  
河

又東南流經上橋入山峽中折西南流龍潭河自東北  
來注之

龍潭河源出霑益州東二十五里分水嶺東平彝縣  
西四十里白水鋪西山峽中南流經曲靖府東山會  
東山龍潭水又西南流至天生壩入北河  
西南下天生大壩亦曰響水壩又西南趨亮子口西南

走越州下橋又西南流入陸涼州界板橋河自西北來注之

板橋河一名北澗源出陸涼州北境竹子山東南流經芳華廢縣右壩又東至郭官堡又東流至白塔東入大河

又南折西南又折而東繞古城堡折南流匯爲中埏澤中埏澤一名雲巖澤俗名東海子在龍海山麓周廣百餘里交河至此匯爲巨澤極目汪洋

折西流關上河自西北來注之

關上河一名陸涼關河源出陸涼州東北山龍潭東南流爲瀑布又東南至白鶴鋪東南入東海

雲水卷一  
又西乾沖河自西北來注之

乾沖河源出陸涼州西北普山合大小乾沖竝新發  
邨各谿澗之水東南至三棵樹會流東經陸涼城北  
東南流至城東土橋東流入東海

又西流至永凝橋左納大龍潭水爲赤江河

大龍潭源出陸涼州東三十里山下一名黑龍潭西  
流至城南橋卽永凝橋西北流入赤江河

又西流洗馬河自西北來注之

洗馬河一名西門河源出陸涼州西北十餘里周官  
莊山東南流經串橋又南流經城西宏濟橋又南流  
至西華寺前爲洗馬河東南流達晃橋又東南流至



會津橋卽永凝橋南入赤江河

又西至雲南橋北雲南橋河自東南來注之

雲南橋河源出陸涼州南愛衛山龍泉西北流經左所壩又西北經雲南橋北入赤江河

又西西山大河自北來注之

西山大河源出馬龍州東南四十里大栗樹湯郎兩澗南流而合南入龍洞伏流礮轉如雷中成巨澤由南洞湧出南流爲龍洞河經納章邨瀉爲瀑布南流爲迤澤河又南四十五里經紅石崖至浙宗邨爲浙宗河又南流入浙宗洞一名三腳洞伏流如龍洞南出入陸涼州南流經古城東又南流至小百戶邨南

左納水箐河水水箐河源出陸涼州西北桃花山南流經小百戶邨東又南流西南入西

山大又南流至黑飛左納關門箐水關門箐水源出鐵山東流至黑

飛入西山大河東南入赤江河

又西南流鋪上河自東南來注之

鋪上河源出陸涼州西南七十里石子廠北流經霧

露頂

又北流經大地西北流經阿油鋪右納橫水溝水橫

溝近新哨之谿流又西至阿泥夷邨入河

又西南為疊水灘

疊水灘在陸涼州西五十里河流一路平衍至此兩

山壁立懸崖二百餘丈翻瀑如雷

又西南左納清水溝水

清水溝近天生關之谿流

又西南至大小河口民和鄉獐子邨南入澂江府路南  
州境爲大池江又西經大邨北又西經茅草房又西經  
蔡家營北又西經護國菴南又西經土主山北又西經  
半月山南又西經密河城北又西經大河洲又西經安  
家橋又西經陳家渡又西龍洞水自西北來注之

龍洞水源出宜良縣北賈龍東南山中又南流宜良  
陸涼路南三界中南至宜良小薛營西九倉東南入

大池江

又西南入雲南府宜良縣境西南經縣東北右會大城

江水

大城江源出舊陽宗縣北一里明湖一名陽宗海子

源出羅藏山東支峰西麓曰彌勒石谿合眾澗流出

彌勒石口左會錦谿錦谿源出羅藏山北麓東流入彌勒石谿楮為湖周

圍七十餘里東西兩岍山勢陡絕自彌勒石谿口迤

北有七古泉東北入湖七古泉在陽宗舊縣西北七里源出麥田冲流經北斗村

入明湖又迤北有日角谿東北入湖日角谿一名芭蕉河源出陽宗舊縣

西十五里覺卜山下伏流入天生橋山腹出為谿東北入明湖又迤北隴正衝河東

入湖隴正衝河在陽宗舊縣西北十二里源出隴正衝山間流入明湖又北為海口

自彌勒石谿口迤南大衝河自南來注之大衝河源出陽宗舊

縣南五里羅藏山之麓聚眾澗為河北流入明湖折迤東北龍池谿自西南

來注之

龍池谿源出陽宗舊縣東五十里炒甸會大黑兩龍潭雙樹泉諸水入跌水洞西北流過

獅子象鼻兩山西北至宜良入明湖

又北為海口北流入宜良縣境北

流為湯池渠又東北經湯池東又東北經靖安哨北

為大城江折東南分為二流其北支東北流左會大

赤江水

大赤江源出楊林花魚潭東南流入大城江

東南流入大池江其

南支東南流混橋河自西來注之

混橋河源出宜良縣西土濂冲會九

龍池水○九龍池源出宜良縣西巖泉寺後東流合混橋河○既會東流東折入大池江折東流

白沙河自西南來注之

白沙河源出宜良縣西七里黃保邨白龍潭東北流入大

東池東流又分為二其北流東至龍王廟北東入大池

大江其南流東經城北折南流經城東至城東南又分

為二東一支東至陳所渡西東入大池江南一支南

雲州志  
一  
至狗街子北南入大池江

大池江自龍王廟東納大城江流折東南三台山水自東來注之

三台山水源出宜良縣東十里三台山西麓西流入大池江

又折西南流經陳所渡又西南經狗街子北兩納大城江南分水又西南經紅石崖西南入路南州境經席家渡七江谿自西南來注之

七江谿源出河陽縣東北三十里九岐山南麓東流經九邨爲九邨河又東流經七江邨爲七江谿東流入大池江

又南至竹子山北黑泥河自東南來注之

黑泥河源出宜良縣南四十里竹子山西北流入大

池江

又西南經竹子山西折東南繞竹子山三面巴盤江自東北來注之

巴盤江源出路南州東北十五里白龍潭西南流十里左會黑龍潭水○黑龍潭源出路南州東南十餘里西北流數里與白龍潭會○兩源既會西南流至城東興凝橋爲興凝谿又西南經城南板橋又西南至竹子山南入鐵池河

大池江至此爲鐵池河又東南休柔谿自東北來注之

休柔谿源出路南州東南十五里九盤山西南流入

鐵池河

又南右會撫仙湖水

撫仙湖源出江川縣西北二十里屈頹巔山南緣龍

山為阿伴谿亦曰阿化冲南流為中河分一支西流

會冷水泉水

冷水泉源出江川縣西二十里西山黑龍潭東南流為冷泉會中河水為西河

南流中河亦南流竝會為星雲湖周八十餘里雙井

溫泉亦會自中河口東北納東河水○東河源出江

川縣北十五里關索嶺分流左廣二衛南入星雲湖

○三源既會自中河口東南入臨安府寧州境李杞

河自西南來注之

李杞河源出江川新興界之普妙東流至寧州浪廣東北入星雲湖



又東納寧州西北諸山水又東北至海門橋流為港

河東流至河陽境又匯為撫仙湖一名羅伽湖周三

百餘里界河陽江川寧州之閒白星雲至撫仙中有

界魚石星雲之大頭魚撫仙之窟竇魚各至石而回

兩不相越撫仙湖自港河口南入寧州境龍川河自

西南來注之龍川河源出寧州東北五十里甸頭山龍潭邨路居龍潭東北流經路居鄉又

北流入撫仙湖折東北右納寧州東北諸山水又東北入河

陽境為海口撫仙湖自港河口北東迤白玉筍峰東

南西浦泉自北來注之西五里蟠龍岡石崖如巨螺

殼覆山麓左右雙湫夾出左湫自明湖由羅藏山伏

流而來名燕窩塘四時常清撓之不濁右湫自滇池  
由海寶山下伏流而出四時常濁澄之不清兩泉合  
流匯為巨塘南流左納立馬谿水○立馬谿源出河

陽縣西北二十里玉印山南流至兀峪嶺左會劍嶺水○劍嶺水源出河陽縣西北劍嶺西流入立馬谿

○立馬谿又東南流繞竹園坡折西南入西浦泉○泉又南流右納石澗谿水○石澗谿源出河陽縣西

南十里虎山北流入西浦泉○泉又南右納清水澗水○清水澗源出河陽縣西南十五里雲谿山左官

澗巖山右兩谿合曰東流繞蟠龍岡西南又迤東西大河東入西浦泉○泉又南流入撫仙湖

自西北來注之西大河即羅藏谿源出河陽縣西北十五里羅藏山繞羅藏左臂屈曲而

東繞竹園坡東至塔浮舞鳳山前左納兩山澗水南紆折至櫻樹邨一由舊街子水碾團營入湖一由

十里亭後至立馬谿左所入湖一由青龍廟下又迤東北至瓦窰邨大平橋四均橋馬房邨入湖

東東大河自東北來注之東大河即玕札谿源出河陽縣北二十里寶鼎山東

東流經玕札山南折南流至青雲橋會東谷谿莊鏡泉北坡泉諸水○東谷谿源出縣東六里東谷之麓

莊鏡泉源出縣東北二十里碌崎山西南流北坡泉即東浦泉源出縣東五里華藏寺竝西南流入玕札

谿為東大河又西又迤東至海口流出東入鐵池河南流入撫仙湖

又南入臨安府寧州境爲婆兮江右爲寧州境左爲廣西直隸州彌勒縣境分水嶺水自西來注之

分水嶺水在寧州東北四十里嶺西水爲龍珠河南流會爪水嶺東水東北入婆兮江

又南流經彌勒縣阿欲山西又南至寧州東南婆兮鄉右納七犀潭水

七犀潭卽大麓潭冬春澄如鏡夏秋有渾水出焉流入江

杞麓湖自落水洞不知洩往何處想亦入婆兮江因並著之

杞麓湖源出河西縣西北三十里曲陀關爲長河東流

納甸心邨後小河水

甸心邨後小河源出河西縣北二十里黃草壩山東流入長河

又東流經碌谿山麓爲碌谿河南經東渠諸邨過碌谿三渡東南匯爲杞麓湖周一百五十里如環而缺自碌谿口迤西南普應谿自西來注之

普應谿源出河西縣西南十里螺髻山東北流經普應山東河西城西又北舊自琉璃山南折東行經城北今改從琉璃山西引北流至琉璃山北折東流而東南至河西城東南入杞麓湖

又迤西南大河自西來注之

大河源出河西縣西南通海縣西北九衝子山東流入杞麓湖

又折迤東南而東右納通海縣西北諸山水又迤東黃龍山水自南來注之

黃龍山水源出通海縣西三里黃龍山左腋北流入杞麓湖

又迤東秀山左溝水自南來注之

秀山左溝水源出通海縣南三里秀山左會溫水塘冷水塘二潭竝秀谿水北流入杞麓湖

又迤東秀山右溝水自南來注之

秀山右溝水源出秀山右北流入杞麓湖

又迤東白馬泉自南來注之

白馬泉源出通海縣東二里白馬山北流入杞麓湖  
杞麓湖又自礪谿河口迤東爲四軍營諸處納通海縣  
北境諸山水又東左納甸苴關諸山水折迤東南左納  
易廣鋪諸山水又折迤東南東華谿自南來注之

東華谿源出通海縣東十五里東華山烏龍潭北流  
受冷水洞諸水經沈家橋會小新莊大龍潭水金家  
渡中龍潭水姚家灣小龍潭水北流入杞麓湖

又東爲落水洞洞水由此洩不知所往想伏流東入婆  
兮江婆兮江自婆兮鄉又東南而曲江自西曲曲源流  
四百里來會

曲江源出澂江府江川縣西南獸頭山曰大谿南流折西流經河西縣夾雄山北折東北流經江川縣普妙鄉行三十餘里至小矣資香柏河自東北來注之

香柏河源出新興州東北七十里蒙習山東麓與晉寧州分界處西南流經安花邨又西南經芋苗邨又西南經大矣資又西流至小矣資西入大谿

折西流經王鳴喜撒喇河自東南來注之

撒喇河源出新興州東南二十里乾海資北流經靈

照山西又北折東北經竈君坡北左會哨河水

哨河源出

新興州東南十里石灰窰北流經平頂又東流入大山東又北折東流至竈君坡入撒喇河

谿

又西流至戴家屯羅麼谿自北來注之

羅麼谿源出新興州東北二十五里羅麼山下白龍潭由白塔山後會小龍潭水北流經普具籠城折西又折而南爲羅麼谿南流至戴家屯南入大谿

折南流至新興州城西北康阜橋羅木箐自東北來注之

羅木箐源出新興州東北三十里響水西南流蒙習山陰南流經北山白雲寺前折西流經龍門邨又折南流過康阜橋南流入大谿

又西南流至通年橋爲玉谿西河自西北來注之

西河源出新興州西北五十餘里昆陽酸水塘西流



會鐵鑪關水折南流會母豬箐龍潭水又南流經刺  
桐關西又南流至陳家屯右會奇黎谿水○奇黎谿  
源出鐵鑪關西十五里椒山南麓南流爲乾河南行  
三十五里至螞蝗箐南折東北流礦塘箐七里至黃  
草壩落水洞而伏東行八里至奇黎山下湧出爲奇  
黎谿九泉分灌聚爲一泓亦曰九龍池南流至陳家  
屯會西河○兩源旣會東流至通年橋入大谿  
又西南窰溝自東南來注之

窰溝源出新興州東南八里平頂山後窰山東麓北  
流經徐家大山東又北折西流經徐家大山北西南  
流經州城南又西至金官屯西北入大谿

又西南牟谿自東南來注之

牟谿源出新興州東南和尚灣西南牟谿沖東北流折西流經梁王山南麓又西流至鳳皇山西北左會奴喇河水○奴喇河源出新興州西南三十里奴喇山後北流經密羅邨過祿匡城東又北至大營邨會牟谿○兩水既會西流入大谿

又西南經甸尾邨流兩山間黑龍潭水自北來注之黑龍潭源出新興州西十五里龍吟寺南流入大谿又西南甸苴河自南來注之

甸苴河源出新興州西南三十里尖山受甸苴山谷水北流入大谿

又西南良江河自西北來注之

良江河源出新興州西北三十五里良江邨東南流受兩山潦水又南流入大谿

又西南清水河自西來注之

清水河源出新興州西七十里光山東北東北流經楡木嶺折東南流南入大谿

又西南至響峩縣西北十餘里入響峩縣境曰猊江南流折東流經響峩縣城北又折南流經響峩縣城東又南至城東南練江自西南來注之

練江源出響峩縣西六十里勝郎山東麓東北流經新平縣練莊爲練莊河又東北經石屏州境爲龍車

河又東北至魯峩縣西十五里大麥地左會老魯關

水老魯關水源出魯峩縣西六十里老魯關山東北麓東流數十里至大麥地東南入練莊河又

東北流爲練江東北至魯峩縣東南入猊江

猊江既會練江爲合流江東南流經河西縣西五十里

碌碑鄉東山河自北來注之

東山河源出新興州南三十四里河西縣西三十里

曲陀關南流折西流過梁海邨右會東山湖水東山湖一

名玉湖源出故研和縣東南東山之西周三里南流入東山河折東南流過古城山

下又南折西南入碌碌河

猊江至此爲碌碌河又東南舍郎河自西來注之

舍郎河源出河西石屏境上山東流經舍郎邨又東

流經木加沙東入碌碌河

又東南右納六邨河水至此爲曲江

六邨河源出睿峩縣大魚口東流經通海阿孃邨又

東北入曲江

折東流至館驛西北右納館驛西北流水又東至館驛  
北石壁泉自北來注之

石壁泉源出建水縣北百二十里自顏家坡南流至

侯家箐十餘里南入曲江

又東流東山龍泉自南來注之

東山龍泉源出建水縣北九十里北流入曲江

折東北流爪水自西稍南來注之

瓜水一名浣江源出寧州北三十里青龍潭南流經

州西南右會恩永河水○恩永河源出寧州西山中

又東流分爲三一灌西郭田一灌南郭田其中流東會

瓜水○兩源既合東南流右會丁矣沖水丁矣沖水

南丁矣沖西流又東南至寧州南恩永山水自南來

北注之恩永山水源出寧州南六折東北流二龍河自

東北來注之二龍河一名龍珠河源出寧州北四十

水折東北流入曲江

又東北流至婆兮鄉入婆兮江東流至盤江

婆兮江既會曲江折東流爲盤江巴甸河自東北來注

之前盤水脈也

巴甸河一名八甸河亦曰巴盤江又曰息宰河源出

廣西州北四十里額勒哨東西度脈處南流北水北

流經阿盧山西龜山東又南流至彌勒縣界為瀑布

河南流至赤甸右會赤甸泉水又南流白馬河自西

北來會白馬河源出彌勒縣北三十里北傾山東南

三十里步關寨流北傾山下會白馬河○白馬河又

又東南流三十里至彌勒縣東北五里入瀑布河又

西南流至彌勒縣城東山金河自西北來注之山金

出彌勒縣西二十五里蛇花口合柏枝古黑箐二水

東南流經城北環城分注八甸東經郭家山北東南

流至湧甸南撫又西南流至彌勒縣南阿欲泉自西

甸北入八甸河又西南流至彌勒縣南阿欲泉自西

北來注之阿欲泉源出彌勒縣西十里阿欲山東流

縣西五里梅花巖東北流會阿欲泉○阿欲泉又東

流左會阿當泉水○阿當泉源出彌勒縣西七里山

中東南流入阿欲泉○阿欲泉又南流經鼇頭山西  
又東流至城南東入八甸河

又南流竹園邨龍潭水自東北來注之竹園邨龍潭水源出彌勒

縣南五十里嶧岡峭山中南流又西南經構甸壩西  
瀦為龍潭又西南流入八甸河

為息宰河又南經十八寨東又南經湖普西翠微温

泉自西北來注之翠微温泉源出彌普西北又西南

入盤江

又東南流入阿迷州境瀘江自西南曲曲源流三百餘

里來會

瀘江源出石屏州西三十里寶山南麓其北麓即會關

口橫岡以東諸山水東流為寶秀湖一曰西湖亦曰赤

端湖延袤二十餘里東流左納大松樹泉水又東流為



九天觀大塘右納舊壩水又東分爲二流南北繞城而東納四面諸山谿澗之水至城東合流經番卜竜北出化龍橋東匯異龍湖異龍湖廣袤一百五十餘里中有三島小島曰孟繼龍亦曰馬阪隴舊建浮石菴今廢中島曰小末束亦曰小水城大島曰和龍亦曰大瑞城有九曲卽五爪山插入湖中者東流爲湖口王家沖自南來注之

王家沖源出石屏州東南王家沖南山中北迴流至白家寨入湖

沙河自北來注之

沙河源出石屏州東五十里回龍山西南流迴曲至

王家地入湖

東流爲瀘江河曠野河自北來注之

曠野河源出石屏州東北四十里蘆子溝爲瀘江北

源南流會異龍湖水爲瀘江河

又東流黃龍潭水自北來注之

黃龍潭源出建水縣西十五里紹和山南流入瀘江

折南流又折東流經臨安府城南又東北流白沙河自

西北來注之

白沙河一名北沙河亦曰北溝河源出建水縣北十

五里晴山谷呼窰溝南流經椀窰納聖母泉聖母泉在建水

縣西北二里聖母祠右一名半天井繞城東流折東南流入瀘江

又東流象沖河自西南來注之

象沖河一名小河源出建水縣西南九十里納樓土

司西南八里曲通山北流至納樓司北入仙人洞洞

右有黑龍潭北流為象沖河又東北至拖泥壩草湖

自西南來注之草湖源出白水河北流為草湖在建水縣南十五里廣八九里西連西湖

廣二十餘里東北入象沖河小河自南來注之小河源出建水縣南四十里黑龍潭

北入象又東北流塌沖河自西南來注之塌沖河一名中河源

出石屏州南百餘里松象沖河既會塌沖河東北流

至三江口入瀘江

又東北流賽公河自北來注之

賽公河源出建水縣東北四十里雲龍山左冷水溝

南流經南莊邨爲南莊河又南流右會青雲橋河水

青雲橋河源出建水縣北十餘里馬家冲東南流過青雲橋會南莊河又東南過賽公

橋爲賽公河經中所馬軍營南入瀘江

又東北入巖洞伏流十餘里至阿迷州界萬象洞流出爲樂榮河東流繞樣田山麓東流至燕子洞又伏東出雞街河自南來注之

雞街河源出蒙自縣西八十里建水縣界內白雲山東北流經蒙自縣西五十里建水縣界上之乍甸又東北經蒙自縣西之雞街爲雞街河又西北至萬里橋左會倘甸河水○倘甸河源出蒙自縣西七十里之木馬冲北流至城西六十里飛霞洞左納洞泉又

東北流至石巖寨南萬里橋會雞街河○兩河既會  
北流至阿迷州南十五里南洞水從洞中伏流北出  
爲清水河北流至冰泉山西北入樂榮河

又東流經阿迷州城南折東北流東山水自東來注之  
東山水源出阿迷州東十五里龍洞西流入樂榮河  
又東北流入盤江

盤江既會瀘江折東北流經朔普南入廣西州境又東  
北至彌勒縣東南盤江山南石穴中混水自北來注之  
盤江至此爲混水江

石穴中混水 瀘川源出廣西州北三十里矣戈河  
橋東北兩山閒西南流爲矣戈河又南經平沙哨西

又南流二十里至阿盧後洞伏流穿洞由前洞南出  
爲瀘源東南流繞翠屏山西麓爲鼇島又東流繞翠  
屏山東麓爲上島又東南至蝠島下會東河水○東  
河源出廣西州東北江頭邨龍湫數處匯爲河南流  
折西南至蝠島下會西河○兩河旣會爲矣邦池一  
名竜甸海周三十餘里東南流匯爲支圃塘由尾閭  
洩入伏流至盤江山湧出南入盤江

又東北流經正北縣北上下彝槽中五羅河自北來注  
之

五羅河源出師宗縣東南難當坡南南流經五羅河  
寨西南入盤江

又東北至師宗縣東南境東與廣西西林縣分界曲曲二百八十里清水河自西南來注之江至此爲入達江清水河源出正北舊城盤龍山盤龍寺龍潭東北流經羅馬坡北又東北流經羅鵝南又東北流凡二百餘里入入達江

折北流入羅平州境馬別河自西南開化廣南曲曲源流四百餘里來會

馬別河源出開化府文山縣北鳳皇山北麓東流爲一字橋水又東流經法土竜故城麒麟山北折東北經諸葛山西又東北經獅子山西江那水自西來注之

江那水源出文山縣北江那縣丞西南山中東流經

江那縣丞南又東入馬別河

又北流經江那縣城東又北流經新塘東又北流經乾河塘東又北流經阿雞塘東曲曲百餘里入廣南府寶寧縣西界維摩塘水自西來注之

維摩塘水源出廣西州五槽州判西南山中東流經維摩塘南又東流入馬別河

又北流經維摩塘東又北維摩塘北水自西來注之

維摩北水源出五槽州判西北山中東流入馬別河折東北流經衣落寨東又東北經彌勒灣東又東北經楊伍東又東北經長沖西曲曲百餘里法白水自西北來注之



法白水源出法白北山中南流經法白東南入馬別河

折東流至安排營西者種河自東南來注之

者種河源出寶寧縣北者種北山中南流經者種西南左會者種南山西來水折北流經六郎下安排南又西北入馬別河

又東北流下安排水自東來注之

下安排水源出六郎東北山中西流至下安排西入馬別河

又東北凡曲曲一百三十餘里入師宗縣境東北入盤

江

盤江又曲曲西北折東北一百里至羅平州東南境新寨爲雲南貴州廣西三省界塊澤河西北自霑益納眾流曲曲源流幾五百里來會

塊澤河源出霑益州東二十五里分水嶺東流至白水關出響水洞爲響水河又東流至多羅鋪南河北有多羅海又東至平彝縣城西爲十里河清谿河自北來注之

清谿河源出平彝縣西北十五里落水洞有竅九十  
九匯西北山中水從竅入東南至蒙洞山下洪源洞  
流出會眾流入紫泉洞南自清谿洞流出爲清谿河  
又南流經霑益州羊場爲羊場河又南入響水河

折南流經舊亦佐縣西北明月所水自西北來注之

明月所水源出貴州普安廳小洞嶺西南流經明月所又西南流至亦佐廢縣北西入塊澤河

又西南經塊澤坡爲塊澤河又南至羅平州東北恩勒河自西北來注之

恩勒河一名乾河源出羅平州北恩勒邨北山之北水槽汛西西南流經黃泥溝汛北又西南至峭壁仙

鋤東折南流又折東流經乾橋又東流經上河汛南又東流經羊場汛南又東流經恩勒汛南又東流經

馬把山北又東南流清水溝水自西北來注之

清水溝源

出羅平州北迴審坡東流經桃源寨折南流入乾河又東南入塊澤河

又東南流蛇場河自西北來注之

蛇場河源出平彝縣南蛇場山西南流經陸涼州東

北右納東南來一水折南流又折東南師宗水自東

南來注之師宗水源出師宗縣西南四十里額勒哨

水○落竜洞水源出師宗縣東南會落竜洞

勒哨水○兩水既會又西北流至大河口左會通源

洞水○通源洞水源出師宗縣西三里通源洞南流

折東經城南又折北流折西北流至大河口會落竜

洞水○三水既會西北流

入羅平州境北入蛇場河又東北流經竜甸南歷三

峽為三峽江東北流經羅平州城西北魯沂河自南

來注之魯沂河源出城南龍王廟北又東北流經城

流經城西又北流入三峽江

北為喜舊谿又折東南流經九龍橋又東經喜舊汎

南又東南走淑龍山北東流至塊澤邨會塊澤河

折東南流爲棲革江亦曰以則江東南流至舊亦佐縣東南界黃泥河自北來注之

黃泥河一名小黃河源出貴州普安廳樂民所南流至平彝縣舊亦佐城羅平州各東南界入棲革江

又東南流入貴州普安廳境南入八達河亦曰八達江卽南盤江盤江折東流走貴州廣西兩省界東南至廣西泗城府北把蘭邨會北盤江南盤江至此源流千八百餘里北盤江至此源流九百餘里兩盤江旣會東流會鬱江桂江東至廣東四會入海源流共四千六百里

### 西洋江

西洋江亦曰南盤江水道提綱以爲卽古夜郎脉水其

寶非也豚水蓋卽溫水耳江源出廣南府寶寧縣西北六十里板郎速部木王三山合流東北折而東經者兔塘西北又折而東南曲曲四十里至府西北松木嶺水自北來注之

松木嶺水源出寶寧縣西北松木嶺南流入西洋江又東納東北來一水

東北水源出寶寧縣北山中西南流入西洋江折南流經望龍橋又南紅石崖水自西北來注之

紅石崖水源出寶寧縣西七十里紅石崖兩谿合流東南入西洋江

折東南流爲西洋江至府城東南響水河自西來注之

響水河源出寶寧縣西南八苗寨東流入西洋江  
又東南折東北經西洋江塘又東北經乃安西又東北  
經板蚌鳳西又東北經壩下塘西又東北經威泌塘西  
又東北經洞柴塘西又東經西寧邨北曲曲一百五十  
里同舍河自東北來注之

同舍河一名土黃河有兩源一出寶寧縣東北分水  
嶺兩澗合流而北又東北入廣西西寧縣界經剝貫  
邨東一出寶寧縣北者洪汎兩澗合流而東經科巖  
北又東入廣西界經剝貫邨北又東兩源合流又東  
北受西南一水折東流又折東南流受西北一水又  
東南流受東北西隆水又南流經西林縣東南馱門

河自西來注之

馱門河源出寶寧縣東南山中合二谿西北流入廣西界折東南合綠馱

河入同舍河

折東北又東南至廣南府界上入西洋江

折東南流經達板塘東又東南經者丙塘東剝江自南

來注之

剝江源出寶寧東南達板塘西南山中兩澗合流而

東者桑水自南來注之

者桑水源出洞耶戈革諸山中兩澗合流北經那尾西者

桑東又北會剝江

又北入西洋江

又東經剝莪北者郎河自西南來注之

者郎河一名標木谿源出寶寧縣東南八十里花架

山東流至普廳塘北南江谿自西南來會○南江谿

一名南江谿源出麻卯僻台二山東北流至普廳塘



合枹木谿○兩源既合東流至石洞而伏流十五里

復出東流經歸朝北又東北至平洋邨北廣西歸順

州水自南來注之

廣西歸順州水曰小鎮安谿曰下勞邨谿合而東北流曰那旺邨水

曰東水合而西北流兩源既會東北流入者郎河

又東北至那洞北又納廣

西西北來水又東北經那萬西又東北至剝隘西入

西洋江源流曲曲三百里

又東經剝隘北又東經北瀨北東入廣西界會左江為

鬱江

雲南

又東經緬甸北又東經北極北東入海西界會立頂

西界至威流曲曲三百里

西西北來水又東北經應萬海又東北至保劍西大

江新水納海內北經海又東北至派風北又經

海內自南來水又東北至派風北又經

海內自南來水又東北至派風北又經

雲南水道考卷一

一 題題命東至百回而海

雲南水道考卷二

黃巖李 誠

金沙江上

金沙江卽古繩水漢書地理志繩水出徼外東至僂道入江亦卽古淹水水經江水又東南過僂道縣北若水淹水合從西來注之又云若水南至會無縣淹水東南流注之舊志僅云出吐蕃犁牛石下不知其處今按金沙江源出西藏衛地北境巴薩通拉木山番名木魯烏蘇在岷源西二千餘里東北流折而東南又東北流曲曲三百餘里有喀齊烏蘭木倫河源出巴薩通拉木山西北五百里勒斜爾烏蘭達布遜山東南流曲曲九百

里來會又東北流有拜都河南自拜都嶺北流行三百  
里來會又東流納南來一水又東北流有阿克達穆河  
南自阿克達穆山合眾流東北曲曲五百餘里來會折  
北流有託克託乃烏蘭木倫河西自錫津烏蘭託羅海  
山東流曲曲八百里來會又北折東流有帀伯輝河南  
自阿克達穆山北會眾流西而北流曲曲四百餘里來  
會又折北流又折東流有玉樹四土司水自南兩源合  
流來會又東稍南流有玉樹三土司水自南兩源合流  
西折北流來會又東南流有那木齊圖烏蘭木倫河西  
自大戈壁東東流千里經玉樹二土司南巴顏喀喇山  
西南折東南而南來會又東南分爲四流數十里而合又

東南有庫庫烏蘇河自玉樹一土司西南流二百里來  
會又折西南而東南有圖哈爾圖河兩源一自固爾班  
圖爾哈圖山西南一自噶達素齊老山合西南流二百  
里來會其東噶達素齊老爲河源重發之地卽古之大  
積石非今松潘廳北洮州廳西和碩特旗西南之積石  
山也木魯烏蘇又折西南流受西北來一水又折東南  
流南納中格爾吉土司水又東南流南納下格爾吉土  
司水其南卽帀楚河源也又折東流納東北來一水其  
北卽鄂敦他拉又東有齊齊爾納河南自拉里山合數  
流曲曲百餘里來會又東折東南流經尼牙木錯土司  
西南白利土司東北納南來阿穆尼喀察穆山水又東

南流經阿薩克土司北北納固察土司水而固察土司  
東南瑪楚河之源出焉其下流爲鴉礮江木魯烏蘇又  
東南經稱多土司南又東南經拉布土司南阿永土司  
北折南流爲木壘楚河納西來一水又折東南而西南  
經隆布土司東又南經吹冷多爾多土司東其西則而  
楚河也受西南來一水又折東南經班石土司東札武  
土司南納西南一水又東納北來一水折東南又折西  
南又折東流經上納奪土司北折東南經松阿土司北  
納北來一水又東南經桑隆石土司東折西南受東北  
來一水又西南經密爾根託特巴山東德爾格特土司  
西又西南經郭布土司南有多克楚河西北自宗噶多

山東南流曲曲四百里來會折南流三百餘里經穆尼  
恭多山東達穆普拉山西又西南流二百餘里至巴塘  
土司西有巴楚河東北自達穆普拉山東北麓西南流  
二百餘里會東南一水西入木壘楚河又西南其源流  
四千二百里入雲南維西廳邊界曰金沙江南流折東  
南百數十里經佳拉克山東折西南總文河自北來會  
總文河源出巴塘土司西巴河屯西北百里重山中  
西南曲曲三百里會東北來一水又南折東南流百  
餘里會西南來一水又東稍南九十里入金沙江  
又折東南流百里經舒瑪年岡春岡里山西南敦楚河  
會麻楚河碩楚河自東北來會

敦楚河源出巴塘土司南岡里拉麻爾山西南曲曲  
流二百餘里折東南流百數十里有麻楚河自東北  
來會又西南百餘里有碩楚河自岡里拉麻爾山東  
北南流曲曲二百數十里又南百餘里折西南百五  
十里又西九十里來會又西南八十餘里入金沙江  
又東南流九十里經巴特瑪郭赤山西又東南流右納  
一小水又南流百數十里經巨甸汛東巨甸河自西北  
來注之

巨甸河源出麗江縣西北四百里漢藪山會魯甸雪  
山諸水東南流經巨甸汛南又東入金沙江

又東南至橋頭汛東橋頭河自西北來注之



橋頭河源出麗江縣西北二百餘里漢藪山東南山中集諸山箐中水東流經橋頭汛東南又東入金沙江

又東南流石鼓沖江河自西來注之

石鼓沖江河源出麗江縣西北三百五十里拉巴山東南流會西南一水又東流數十里納南來一水東北流經石鼓汛西北正當金沙江東曲處入江

折東北流經阿喜汛北碩多岡河自北來注之

碩多岡河源出中甸廳北山中南流百餘里南入金沙江

又東北經雪山北折東南又南流玉龍黑白水自西來

注之

玉龍黑水源自雪山流下東行二十里與白水會

玉龍

白水在黑水之南亦自雪山流下會黑水又東流入金沙江

又南無量河自東北曲曲合眾流一千六七百里來會無量河亦曰五郎河其上源有二一曰多克楚河源出四川巴塘土司之泥替山曰沙魯楚泊舊名沙里楚諾爾池東南流六百餘里至雲南邊外一曰里楚河源出臨卡石土司境里穆山東麓東南流至裏塘土司境會源出沙魯齊山之札穆楚河東流折南流又東南流四百里至裏塘城東南有二水自碩古里山北一東南流一西南流夾碩古里山數百里南流又南百餘里來會

又西南流四百里會多克楚河又南七十里入雲南永北廳邊界曰無量河南流經永寧土府西境二百里其西爲麗江府中甸廳界又東南折而南右納一小水折東流而東南左納中甸廳一小水又東南曰五郎河大河自東來注之

六河其源最遠者曰走馬河出永北廳葭蕩土舍東南猓羅關東北兩源合西南流會東來西番河水○西番河源出永北廳東北境山中西流會走馬河○兩水旣會西南流數十里左會站河合大松河水○站河源出永北廳東境阿刺山西南麓西北流數百里會大松河水○大松河源出永北廳東北山中西

北流會站河○兩河既會西北流會走馬河○四河  
既會西流左會清水河水○清水河源出永北廳東  
北光茅山北山中西北流會四河○五河既會西南  
流西卜河自西北來會○西卜河源出永北廳北二  
百里山中東南流會五河○六河既會西南流入五  
郎河

折西南流觀音河自西南來注之

觀音河源出永北廳東北六十里光茅山一源二流  
其南流者爲他留河東南合泚那河入金沙江其西  
南流者爲觀音箐分一支西出西北流爲麼麼溝流  
灌北山田畝而止其正流又南折西南又南一支南

出西南流又折西流又分一溝西流又分爲三一溝  
西流經城北爲北門溝西至西山而止一支西南流  
西經城北爲中溝至城西而止一支南流爲西門溝  
折西流經城中出西門分流南北而止分支正流折  
南流爲南門溝折西流經城南至城西又折東南流  
爲矣察河東南流入他留河○觀音箐正流西經北  
山橋折西南流經紅石崖出崖峽中又西南經明川  
橋爲橋頭河又西南至上壩分一溝南出西南流爲  
殷家溝折西流至梁家營入壩箐河○橋頭河正流  
又西南至中壩分一溝北出北流爲東山溝折西流  
至中洲溝南而止又自中壩分一溝南出西南流爲

陳家邨溝西南流而止○橋頭河正流又西南至下壩分一溝北出西北流爲高官溝西北至中洲街西合中洲溝西流入觀音河○橋頭河又西南流又分一溝北出西北流爲袁官溝西北至永清橋入觀音河又自分流處分一溝南出西南流爲乾地溝西南而止○橋頭河正流又折西流爲沙河又西過梁官橋折西北過馬伍橋爲觀音河折北流右納袁官溝水又北過永清橋又北右納中洲溝水又北過永順橋折西流至觀會橋左納西山草海合壩箐河水○壩箐河源出舊順州西北白草坪東流經順州北又東流經的里山受秋霖瀑布折北而西北流分一支

東流至雞鳴山入落水洞伏流出程海其正流西北  
分一溝西流而止其正流又西北至梁官南橋右納  
殷家溝水過橋又西北經張家橋折北流入西山草  
海○西山草海在永北廳近屯西山下本係平田明  
正德六年地震成湖周廣二十里南納壩箐河水北  
流出東北至觀會橋入觀音河○觀音河正流折東  
北流陸家灣河自西南來注之○陸家灣河源出永  
北廳近屯西山外東北流入觀音河○正流又東北  
至楊百戶橋南泥河自東北來注之○南泥河源出  
永北廳近屯東山下九龍潭有九穴因以爲名有南  
北二閘其由北閘出者爲北泥河由南閘出者爲南

泥河西南流分一溝南出西流爲中洲溝至中洲街  
西南通高官橋北通李時伍溝西入觀音河○南泥  
河又折西北流分一溝西出爲李時伍溝西流至中  
洲街北北通張象乾伍溝南通中洲溝而止○南泥  
河又西北分一溝西出爲張象乾伍溝西流至中洲  
街北北通過仁伍溝南通張象乾伍溝而止○南泥  
河又西北分一溝西出爲過仁伍溝西流又分一溝  
北通南泥正流又西流南通張象乾伍溝北入南泥  
河○南泥河又西北分芮官溝與北泥河通折西流  
東北分頂官溝與北泥河通又西流東北分十字水  
溝與北泥河通又西流東北分楊官溝與北泥河通



南納過仁伍分溝水又西流東北分黃官溝通北泥  
河又西流南納過仁伍溝水又西過九眼石橋東北  
分金官溝與北泥河通又西流折西北至楊百戶橋  
折西北過前所橋又西北會板山河合北泥河水○  
板山河源出永北廳北核桃園板山西流經石龍壩  
分一溝西南流通北泥河正流又西南又分一溝西  
南流通北泥河正流又西南至金官街北又分一溝  
西南經金官街南通北泥河正流又西南至楊百戶  
邨西左會北泥河○北泥河源出九龍潭自北開北  
流折西南流西南分芮官溝通南泥河又西流西南  
分頂官溝通南泥河正流又西北納板山河石龍壩

分流水西南分十字水溝通南泥河正流又西西南  
分楊官溝通南泥河又西流西南分黃官溝通南泥  
河又西流北納板山河分流水西南分頂官溝通南  
泥河又西流北納板山河金官街西分流水南分金  
官溝通南泥河又西流至楊百戶邨西南折西北流  
會板山河○兩河既會西流至馬軍橋南入觀音河  
○觀音河又西北左納陳廣河水○陳廣河源出黑  
龍潭東北流會西北流兩源合流水折東北流至馬  
軍橋南入觀音河○觀音河又西北過馬軍橋又西  
北入五郎河

又西南流入金沙江

金沙江既會無量河又南流百里當永北廳西鶴慶州東順州水自東來注之

順州水源出舊順州土州同東南底當龍洞西流爲底當河西流至舊順州南會西北來烏浦河水○烏浦河源出舊順州西南烏浦山東南流會底當河○兩源既會西流至中江渡口入金沙江

鶴川自西來注之

鶴川一名漾其江源出麗江縣北三十里雪山西麓南流經白沙鵑西爲白沙谿又南流經黃山西折東流會白馬潭水白馬潭在黃山南麓水從石縫流出中有金魚長三尺見之則吉南流會玉谿又東流至東圓里西北會玉河水○玉河水源出

麗江縣北五里象眠山西北象鼻水南流分爲三支

一支循黃山東麓南流與白沙谿會一由八和一由

城內折東流與東河會○白沙谿既會玉河水東流

經東員岡北東與東河會○東河源出麗江縣東十

五里吳烈山東南流至城東南會玉河水又南會白

沙谿水○三河既會爲清谿南流經東員岡東又南

流經工塘關東爲漾共江又南經七和東又南經三

岔黃泥岡又南黑龍潭水自西北來注之黑龍潭在鶴慶州北

二十八里逢密後山又南香米龍潭自西來注之香米

東南流入漾共江又南四莊龍潭自西來注

龍潭在鶴慶州北二十五里逢密山東流入漾共江又南石洱河自

之四莊龍潭在鶴慶州北二十里四又南石洱河自

莊山中東流至小板橋入漾共江

西來注之石洱河源出鶴慶州北十五里石寨山又

南大水美潭自東來注之大水美潭在鶴慶州東九里周二百餘丈西流入漾

共又南落鐘河自西南來注之落鐘河源出鶴慶州西南十里朝霞山吸

鐘潭龍湫東北又南長康河自西南來注之長康河

慶州西南二十里宣化山北麓黑龍潭東北流經長康邨東北入漾共江又南南供河自

西南來注之南供河一名銀河源出鶴慶州西南五十里山神哨北流經黑泥哨南折東北

入南甸川東北南流入龍珠山下水洞洞成一百零八

又又南出龍山南為腰江三莊河自西來注之三莊

出鶴慶州西南二十五里宣化山南麓曰温水河東

南流一源出麗江縣南二十里馬山麓東流一出

三莊河底邨北流至三莊折東流至江邊邨北入金

沙江

金沙江既左右會鶴川順州水又南流折西南又東南  
枯木河自西南來注之

枯木河源出鄧川州東南洱海東北青巔山北麓北

流為清水河又北流桃花箐自東南來注之桃花箐水源出

賓川州西北雞足山西麓又北流至坪得邨北北衙

廠水自西來注之北衙廠水源出鶴慶州南七十里

河底右納西谿水又南會南衙南坳水東流穿峽出

又南流經中所屯東又南經千戶營西會南來西山

灣水折東流經千戶營前又東經百戶營南又東折

經羅武邨北折北流至坪得邨北東入清水河

東流右納高閒河水高閒河源出雞足山為枯木河

東流入金沙江

折東流經永北廳南境賓川州北境三道河自東北來

注之

三道河一名三渡河源出永北廳南四十五里程海

一曰黑霧海源出壩箐河自雞鳴山落水洞伏流東

南至此出匯為海周八十里自東南海開流出為海

河東流經海河橋又東流至清水驛西折西南流為

滿官河又西南劉官河自東北來注之

劉官河源出東冲山西流

合文官河水○文官河源亦出東冲山西流入劉官

河又西南右納期納河水○期納河源出稗子田西

南流至劉官邨入劉官河○劉官河為三渡河又西

既納期納河水又西南流入海河

南流入金沙江

又東流至荅旦北荅旦河自西南來注之

荅旦河一曰六谿河其源有六○曰鍾良谿源出賓

雲水考二  
川州東南四十里雲南縣北三十里梁王山東北麓  
蕎甸會迴龍山雙箐龍泉觀音箐龍泉李節邨龍泉  
雄魯摩龍泉羅五阻龍泉北至鍾英谷會谷中青龍  
湫水西流合帽山北麓水西北爲六谿河東源○曰  
銀谿源出賓川州西三十里官坡自山澗中奔放而  
行其地多石水勢衝激甚駛○曰石寶谿源出賓川  
州西一百里炎涼嶺○曰寒玉谿源出賓川州西北  
百里魯擺山爲上滄湖東爲下滄湖又東爲觀音箐  
東流經崆峒山下○曰通洱谿洱水伏流出賓川州  
西五里賓居大王廟下○曰赤龍谿源出賓居三家  
邨黑樹龍潭○五谿竝東流會爲六谿河西源○至



賓川州西南兩源會爲納六河北流經大羅城西又

經干果邨

寒玉谿至此會

又北至金牛街東蔡官營西北豐

樂谿自西來注之

豐樂谿源出賓川州西四十里雞足山西南盒子孔東北流合雞足

山瀑布龍潭二水東流經煉洞邨又東經金牛溢井又東至金牛街東流入納六河又北流至

片角西右納片角東山下龍潭水又北左納片角新

街北龍井溢水又北至荅旦東北入金沙江

又東流折東南入姚州境經鐵索箐西北當永北廳南境姚州北境一泡江自西南來注之

一泡江源出雲南縣北二十五里梁王山下石穴中

湧出合螞蝗箐三眼井五福山諸水南流至九鼎山

下茨平邨團山壩分爲三一南流谿溝亦曰萬花谿

下迷渡為禮社江源見瀾滄江下一東流經雲南縣

城南東南流又東南匯為青龍海東南會品甸水一

東流經雲南城北東至品甸匯為品甸王海一名小

蒙舍海又東北會青龍海○兩源既會南流出板橋

又東南至小雲南白塔邨段家橋瀦為陂塘出煉廠

東流經小雲南驛南又東折北流為一泡江東北至

臙脂壩你甸河自西南來注之你甸河源出雲南縣東四十里禾甸耳朵

底大姑者一帶為茶蘿河北流東納矣摩山大松坪

江品甸明角鏡温水龍泉又西納蓮花科大湖頭諸

海又北流納七蕎諸山水至楚場為楚場河又折而

東北流為赤城江東北至人投關東南入一泡江  
又東北白鹽井一字水自東南來注之一字水源出姚州北一百  
里黎武山北麓北流經白折西北流至鐵索營西折  
鹽井又西北入一泡江

東北流入金沙江

又東南納鐵索箐北水折東北羊躡江自西南來注之

羊躡江源出大姚縣北百六十里麼些邨東北流入

金沙江

又東北流他留河自西北來注之

他留河一作大羅河源出永北廳東北六十里光茅

山與觀音河一源其西南流者為觀音河東南流者

為他留河南流經他留邨西又南矣察河自西北來

注之矣察河即觀音箐分流之南門溝東流泚那河

自西北來注之泚那河源出永北廳東境阿刺山兩源合南流右納西來二源合流水東

南會他折東南入金沙江

又東北流經大姚縣東北境四川鹽源西南境鴉礮江  
自北曲曲源流二千餘里來會

鴉礮江卽古若水源出裏塘土司西北九百里固察土  
司境兩源東南流百餘里而合經灰瑚爾巴顏哈喇山  
南其北卽鄂羅庫河入鄂凌海爲黃河源者其南卽金  
沙江經流又東經稱多土司北折東南經拉布土司北  
納西來一水又東南有水北自永沙普土司西東南流  
來會又東南受北來一水又東南有古雜泊自南北來  
會西來一水來會爲瑪楚河又東南受西北來一水又  
東南有水自朗朗普克山北流來會又東南有齊齊爾  
哈河自西北東南流二百里來會又東南有雜楚河自

南兩源一東北流一西北流各百里而合北經雜竹二  
土司西北入瑪楚河又東流經澤巴彥哈拉山南又東  
經東署土司南又東經瑪竹土司北有瑪穆河北自瑪  
穆巴彥哈拉山西南流百餘里合東南來一水又西南  
八十里入瑪楚河折東南經霍耳八土司西南有謝楚  
河北自尼穆約瑪克山西南流納自東南西北流一水  
曲曲三百餘里來會折西南流四十里有鄂伊楚河西  
北自格齋土司東北大山中南流曲曲西南流二百餘  
里折東流二十里受北來一水東南流經蒙格結土司  
南曲曲三百里折東北八十里入瑪楚河又東南流百  
六十里經明正土司西南有噶察克拉河東北自四川

雜谷廳西北山中西南流二百里經明正土司東會東南來之恭噶拉河折西流經明正土司南西入鴉礮江瑪楚河至此爲鴉礮江東爲四川界西爲西藏察木多喀木界折西南流百七十里經喇衮土司東南有楚穆河南自喇衮土司南來會又南流八十里至瓦述土司境有水自東北來注之又東南百餘里經高目土司西受高目北西南來一水又受高目南西南來一水又西南百七十里受東來一水又西南七十里自明正土司兩源合南流三百里會東自打箭鑪兩源合西來一水又南數十里會東來一水又南曲曲二百餘里至東四川鹽源縣西北境西永北廳東北境打

沖河自西來注之

打沖河源出永北廳東北二百餘里永寧土府南為

開基河北流左會西河為三岔河

西河源出永寧土府南山中東北流

至甲母山西東北會開基河

又北走甲母山西永寧土府東南左

會土府西南水為勒汲河

土府西南水源出永寧土府西南山中東北流入三

岔河又北流至永寧土府東北永寧北水自西來注之

永寧北水源出永寧土府西北無量河東岸山東麓東流金頂山南又東流入勒汲河

折東流

經烏角寺東南左所山北為打沖河又東北瀘沽湖

自西南來注之

瀘沽湖源出永寧土府東左所山南麓形如曲頂葫蘆尾廣二十五里南

流折而東北中有三島東北流曲曲百餘里入打沖河

又東數十里至四川界

入鴉礮江

鴉礮江至此亦名打沖河折東流鹽井河自西南來注之

鹽井河源出四川鹽源縣山中西北流折東北折西流共二百里至雲南永北廳界上瀆蕖水自西南來注之○瀆蕖水源出永北廳東北瀆蕖土州東南縣鄉縣山兩源合流西北經白角鄉白角山麓曰白角河亦名麥架河左右納三小水曰空開河納西南一小水又東北流數十里別列河自西來注之別列河源出瀆蕖西北山中東流入空開河又東北左納一小水又東北會鹽井河○鹽井河既會瀆蕖水東北入打沖河折東流二百餘里又折正南流三百餘里受水無數又



東南流會北來曲曲源流八百里之安寧河折西南至  
大姚縣方山東北會金沙江

金沙江既會鴉礮江折東南流經四川會理州西南境  
雲南大姚縣東北境百餘里大姚河自西南來注之

大姚河源出姚州南四十里三窠山北流至州南潞  
爲大石湖廣四百二十餘畝北出分爲東洶谿西洶  
谿分繞城東西北流至城北而合爲蜻蛉河北經兩  
山間北繞龍鳳山東麓又北陽派河自西來注之○

陽派河源出姚州西十五里金秀山北麓北匯爲陽  
片湖廣二百三十三畝北出流至光祿鄉南左會連

場河水

連場河一名連水源出鎮南州北十五里十  
八盤山北流經姚州西二十里之連場會西

北來之觀音箐水○觀音箐水源出姚州西普湖州  
判西南觀音山東南流為普暢河又東南會連場河

又北折東流陽派河會連場河東流入蜻蛤河○蜻  
會陽派河

蛤河又折東北流香水河自西北來注之香水河源  
出姚州北

一百里黎武山南麓其北即一字水源所又東流為  
出也東南流至大姚縣西南入大姚河

大姚河經大姚縣南又東右納小關口水小關口水  
源出小關

口北流經犵狓邨北東流又折北流繞妙峰山西麓  
東北流會赤草峰水○赤草峰水源出赤草峰西南

山中東北流經赤草峰街又東北流經赤草  
峰邨又東北會小關口水○北流入大姚河又東北

流經大舌甸邨過獨木橋又東北蛟龍江自西北來

注之蛟龍江源出大姚縣西北一百二十里鐵索  
箐一名苴泡江東流百餘里東南入大姚河又

東北流百數十里至苴卻巡檢司南東南入金沙江

又東南流數十里北納四川會理州黎谿水又折南流

至武定直隸州界姜驛西南折東流龍川江自西南源  
流曲曲三百餘里歷楚雄武定兩府州來會  
龍川江源出鎮南州西七十里英武關之苴力鋪山中  
曰白龍河亦曰苴水一名虹江東南流響水河自西北  
來注之

響水河源出鎮南州西北十五里見性山龍潭東南  
流入白龍河

又東南流經鎮南州西南又東南流經鎮南州東南平  
夷川自西北來注之

平夷川源出鎮南州西三十里眾山中合流至州東  
南入白龍河

又東南清水河自西北來注之

清水河源出鎮南州東北蘇蓼廠龍潭南流會龍王  
廟岔河等水出千家壩經州城東南入白龍河

又東南流左會紫甸河爲三道河

紫甸河源出定遠縣西三十里紫甸鄉化佛山西南  
流至呂合入白龍河

又東流大石河自西南來注之

大石河源出楚雄縣西三十里紫谿山北麓東北流  
入白龍河

折東南流經楚雄府城北折東流南納青龍河爲大河

亦曰龍川江

青龍河源出南安州城北北流匯楚雄縣南界諸水  
北流經楚雄府東爲平山河又北流經楚雄府東北  
入龍川江

又折東北流至腰站北方家河自西南來注之

方家河源出楚雄縣東三十五里腰站南山中經腰  
站東過凌虛橋北入龍川江

折北行至廣通縣西北零川自西北來注之

零川一名直苴河源出定遠縣西三十里赤石山東  
南流會龍文川○龍文川源出定遠縣西二十里雲  
龍山有兩源左源出斗箐右源出老虎箐二源合南  
流會零川○兩源既會東南流經定遠縣西南茶小

谿自北來注之茶小谿源出定遠縣西又東南流繞

石門山麓東南入龍川江十里南流會龍文川

又東北流琅谿自西北來注之

琅谿源出定遠縣東二十里山澗中東南流至琅井

為琅谿北納濯樂河水濯樂河源出琅井東北山中菖蒲潭南流入琅谿東

南流經鼇峰山麓東南入龍川江

又東北流立龍河自西南來注之

立龍河源出廣通縣南一里馬鞍山北流經縣西安

定門外關山河自西南來注之關山河源出廣通縣西五里回蹬山赤摩

邨東北流又東北入大河會立龍河

又東北流清風河自西南來注之

清風河源出廣通縣東十五里趙普關西北流經縣  
東北入大河

又東北羅苴甸河自西南來注之

羅苴甸河源出楚雄縣東六十里爲羅麼河南流會

雲甸河水

雲甸河源出楚雄縣東六十里南流入羅麼河

又南流匯爲羅川

折東流又折北流入龍川江

又東北流經黑鹽井羅申河自西南來注之

羅申河源出廣通縣東北十五里阿陋雄山西流經

黑鹽井入龍川江

又東北流龍溝河自東來注之

龍溝河源出黑井西菖蒲潭亦曰龍門谿東北流鳳

山夾其左七局山夾其右又東南流入龍川江

又東北入元謀縣境曰西谿河南號河自東來注之

南號河源出元謀縣東南三十五里六初郎西流合

章波羅水西入龍川江

又北流猛令河自西南來注之

猛令河一名猛岡河源出姚州東六十里文龍者石

諸山東北流二百里經鑪頭邨爲鑪頭河班古河自

西北來注之

班古河源出大姚鑪頭東南流入猛令河

又東北流數十里

入龍川江

又北流元馬河自東來注之

元馬河源出武定州西虛仁北流經馬頭山名應



元谿又北流繞午茶山之左爲元馬河折西流經元謀縣城北又西折北流又折西流入龍川江

又北流多克河自西南來注之

多克河源出白鹽井北流經大姚縣山中又東北經鑪頭又東北至苴凝爲苴凝河入龍川江

又北入金沙江

金沙江又東經武定州白馬口北大環川自南來注之

大環川源出武定州之勒品甸東北流經只苴阿河

諸處一百五十里至湯郎右會大麥地各箐水

大麥地各

箐水源出武定州南大麥地又北流至高橋成河又

諸山中北流西北會大環川名高橋河又北流至拖木格插甸河自東南來注之

插甸河源出武定州北老母壩東北會各箐水成小河  
河西流經插甸諸處又西北至拖木格西入大環川  
又東北流至白馬口入金沙江

會川衛水自北來注之

會川衛水源出四川會理州北分水嶺兩源合而南  
有東安河東北自姜州堡來注之又南至武定州白  
馬口北南入金沙江

又東流南納兩谿澗水

兩谿澗水源出祿勸縣北二百里幸正山一曰勒谿  
澗一曰東谿澗北流入金沙江

定州獅子廠南祿勸灑馬基北又東北  
自嵩明州會滇池昆明呈貢晉寧昆陽安

寧富民祿勸武定諸水曲曲六百餘里來會

普渡河源出嵩明州西北六十里東葛勒山一名梁王  
山西南朶格臥宗龍黃龍潭南流經牧養邨爲牧養河  
又南流共六十里至高倉出過洞流出邵甸河自東北  
來會○邵甸河源出嵩明州西北三十里梁王山西南  
舊邵甸縣之甸頭冷水洞龍泉百泓舊志所謂九十九  
泉也西南流十餘里由甸尾至高倉與牧養河會○牧  
養河既會邵甸河爲盤龍江折西流又折南流爲匯流  
塘西南曲折流經三家邨南又折南流至松華壩分一  
支東出爲金陵河見後其正支又西流至雲南會城東北  
商山東南會北來銀稜河水

銀稜河源出昆明北二十五里龍泉山黑龍潭西流

東分一溝曰東龍鬚南流里許入盤龍江西分一溝曰西龍鬚

西流里許入盤龍江又西流至蒜邨由大閘分流入盤龍江其

正支又西流半里北納五龍山水由流沙閘南分水

入盤龍江又西流分一溝南流為一瓦水又西流分

一溝南流為牛喫水兩溝並南流入盤龍江又西流西北納白

龍潭水由白龍閘分水南入盤龍江又折東南流有

王俊閘又折西流有小營閘並右納箐水左分水入盤龍江又西南

流經文殊寺閘又折南流二里過分水閘並西北納箐水南分

水入盤龍江又折西南流匯蓮花池南入盤龍江

又南至會城東南分水嶺西分為玉帶河見後又南流至

螺螄灣西分爲采蓮河後見又南流至南壩折西流一里

分三支爲太家河爲楊家河爲金家河後見又自楊金太

三河南西流至雄川閣出羅公開源流共一百三十里

匯爲滇池滇池亦曰昆池唐昆州因水爲名斜長百二

十餘里東西廣三四十里不等歷昆明呈貢晉寧昆陽

境西北爲草海東南爲水海其形上廣下狹有似倒流

故曰滇池或曰從螳螂川西出北流入金沙江實倒流

也滇池自盤龍江口折東南左納明通河水

明通河自昆明縣東十里三元石關分金稜河西流

左納小白龍潭水又西流左納白沙河水白沙河由北響水關

分金稜河水南流至又西流經先農壇前太平橋塘

子巷穿牛房至金陵橋分一支由吳井橋歸金陵河  
其正支又西流經十字閘左納金陵水右洩盤龍江  
又西源流共三十里入滇池

又東南左納金陵河水

金陵河自昆明縣東北三十里松華壩分盤龍江水  
東出西流左納蓮花箐水又西至大將邨下折南流  
至桃園邨左納邨水右出戴金箔閘分水入盤龍江  
又南流至漫水閘左納清水河水折西流五里右出  
大小韓冕二閘分水入盤龍江又折南流左納青龍  
潭水又南左納黃龍潭水又南左納楊媽媽河水右  
由小壩分流入盤龍江又南左納楊清河水右由小

壩南開分流合小壩河入盤龍江河又南流一里左

納白龍潭水

白龍潭在城東八里白龍寺西流入河

右由三元石閘分

一支爲明通河又南流五里至金馬山西麓折西南

流經漫水閘分水南流入王寶海

見後

又西流一里又

分一支南流爲廣南衛溝

見後

又由迎恩橋折北流二

里折西南流至地藏寺折南流二里至吳井橋又西

南一里右由金稜閘西分一支由明通河十字閘西

北入盤龍江其正支又南流十里至燕尾閘分爲二

支一支東南流入三塘下游入於滇池一支西南流

源流六十里入滇池

又東南左納金稜分支水

見前

又東南左納王寶海水

王寶海源自漫水閘分金稜河水南流又自廣南衛  
溝分金稜河水南流竝匯爲海西流入滇池

又東南經苜蔬廠南左納馬溺河水

馬溺河源自五馬橋西頭閘分白沙河水北出西流  
經勤濬香條邨楊家保豐四橋至苜蔬廠入草海

又東南左納白沙河水

白沙河源出昆明縣東二十里金馬山左右溝澗之  
水出三家邨黑邨至黃土坡兩澗水會南流經十里

鋪牛街莊至響水閘左會西鴛鴦溝水

西鴛鴦溝自  
大石壩分寶

象河水北流十數里西流三里至五馬橋右納桃源

壩水

桃源壩水源出北山中  
南流過壩入白沙河

又西流經頭閘分一支



爲馬溺河

見前

又西流至二閘分一支爲岔溝南流四

里入舊門谿又西流至三閘分一支爲小白沙河南

流又分一支合岔溝南入舊門谿一支西流折西北

至七星橋復入白沙河其正支自三閘又西南流三

里至七星橋左納三閘分流水

見上

又西流十六七里

入草海

又東南左納泥鱸溝水又東南左納舊門谿水又東南

左納清水河水又東南左納猓獾河水又東南左納滄

溝蘆包溝水又東南左納官渡四河水又東南左納毛

家塘水諸河皆寶象河分流也

寶象河源出嵩明州西南四十里烏納山西小龍潭

西南流六十里經板橋驛東南折西流至明陰寺前

右會分水嶺水分水嶺水源出板橋驛北三十里分水嶺南流至驛北左會黃龍潭水○

黃龍潭水源出板橋驛東北黃龍潭西流五里合三十畝箐水南流五里至板橋驛西又南至明陰寺前

入寶南流曲曲十五里西納小龍潭及高坡山水折象河

西流十餘里至祭蟲山又西流一里至大石壩分一

支西流為西鴛鴦溝北流會白沙河其正支南流至

小石壩又分一支東南流為東鴛鴦溝折西南流只七里仍歸正

河又南流山蹊中四里折西流一里過老崔橋又西

流一里分麻綫溝西北流十里入舊門河其正支又

西流左納東鴛鴦溝水又西流分一支為羊堡頭溝

又西流分一支為廣濟溝又西流分一支為楊柳溝

俱西南流入毛家塘合西流入滇池其正支又西流

至小板橋街之廣濟橋分一支為官渡河官渡河自廣濟橋分

西南流七里至迎官壩又分三支一曰余家河一曰姜家河一曰小邨河各西流入滇池其正河折西南

五里至石龍橋又西南入里至龍化橋入滇池其正支折西北流為舊門河

至寶陽橋折西流分一支為蘆包溝又西流分一支

為滄溝竝西南入滇池其正支又西流分一支為猓

羅河猓羅河南流由李金甘橋承順橋十里入滇池又西北流又分一支為

清水溝西流二十里入於海其正支又西北流北分

一支為泥鱗溝泥鱗溝西北六七里折西流十里入滇池又西流三十里

源流共一百三十里入滇池

滇池又東南左納亮塘水又東南左納規槽溝水又東

南左納漁邨溝木龍溝水又東南左納馬料河水又東  
南左納羅家溝水又東南左納左衛上壩兩溝水竝馬  
料河支流也

馬料河源出昆明縣東六十里白土邨黃龍潭南流  
四里至白水塘水海子折西南流十里左納豹子山  
水又西南七里左納鼠尾山水又西南三里曰漾水

溝漾水溝南流二里入羊落堡堰塘  
左納山澗水二折西北流仍入河折西流六七里

匯萬朔堰塘又西流一里至豬圈閘南分一支出南

閘為左衛溝又分一支出南閘為上壩溝兩溝竝南  
流十餘里

入滇北分一支為清明溝清明溝北流十餘里入  
亮塘合河沙溝入滇池其

正支由中閘西流一里又北分一支曰河沙溝河沙  
溝北

流六七里  
入亮塘 又西流二里南分一支曰羅家溝北分一

支曰規槽溝兩溝並西流入滇池又西五六里至新邨闢北分

一支曰老楊溝老楊溝西流四里又分爲二支曰木龍邨溝曰漁邨溝並西流三里入滇

池 又西流四里至矣苴堡折西南流四里至光邨闢

又西南流一里至迴龍邨折南流源流共五十里入

### 滇池

滇池折西南經呈貢縣西煉朋邨西北左納落龍西河

分流水又西南經斗南邨西北左納落龍西河水又西

南經江尾邨西北左納落龍中河水又西南經可樂邨

西北左納落龍東河水

落龍河源出呈貢縣東十二里白龍潭西流有黑龍

潭水自東北來會

黑龍潭在呈貢縣東北入里新册  
郵石崖下源深流廣西南入白龍

潭

又西有黃龍潭水自北來會又西南出大小壩分

一支北出爲西河西北折西南流至呈貢縣城外又

分一支入城經縣治前又西北流出城西北經王家

營西煉朋郵東狗街子西西北入滇池西河正支繞

城南又分爲二支爲西河爲中河西河北折繞城西

經梅子郵東斗南郵東西北入滇池中河自分支處

西北流經石壩郵東北江尾郵北西北入滇池東河

自大小壩分支處西南流繞城南折西北經可樂郵

烏龍浦北西北入滇池

又西南折南經大河口西左納南衝河水

南衝河源出呈貢縣東南姚平壩西流經白雲邨有  
清水河自縣西南來會又西北至大河口入滇池

又南折西南經安江邨西左納盤龍河水

盤龍河源出晉寧州東南五里五龍山五龍潭五谿  
分流匯爲二派一西北流經海谿山麓入大壩河一  
東北流又分二派嶺東者流注澂江撫仙湖嶺西者  
流入達摩壩注昆池

又西南經海寶山北麓又西南左納大壩大堡二河新  
江壩東分流子河水又西南左納殺蟲壩東分子河水  
又西南左納呂家壩東分子河水又西南左納大壩大  
堡二河正流水又西南左納白龍壩西分子河水又西

南左納唐家壩西分子河水又西南左納孫家壩西分子河水又西南左納映洪壩西分子河水又西南左納石曰壩西分子河水又西南左納石美壩西分子河水

大壩河源出江川縣北關索嶺其東南流者入星雲撫仙二湖其西北流者經晉寧州石碑邨牧羊山麓

左會大堡河水大堡河源出新興州東北屈穎巔山山半泉湧三派其東南二派分流注星雲撫仙二湖其西北流者經晉寧州永寧鄉至石碑邨會大壩河大壩河既會大堡河水北流至小寨有石子河源自盤龍山後西北流來會又北流出四通橋至石美壩西分子河一道西北流入滇池其正流又北至石曰壩又西分子河一道西北入滇池又北流至映洪壩又西北分子河一



道北流入滇池又北流至新江壩東分子河一道東  
北流入滇池又北流至殺蟲壩又東分子河一道東  
北入滇池又北流至孫家壩又西分子河一道北入  
滇池又北流至呂家壩又東分子河一道東北入滇  
池又北流至唐家壩又西分子河一道北入滇池又  
北流至白龍壩又西分子河一道北入滇池

又南經牛戀石折而西經赤峒裏又西南納渠濫川水  
渠濫川源出新興州界山中北流納清水河小河口  
羅武河老王壩河諸水東北流入滇池

又西折北經昆陽州東又北至昆陽州東北二十里爲  
海口

又自盤龍江口折西北右納楊金太三河

楊家河金家河太家河自昆明縣南五里南壩盤龍江折西流分三支竝西流入草海

又西北右納采蓮河水

采蓮河自昆明縣南螺螄灣分盤龍江水西流西入草海

又西北右納永暢河水

永暢河自昆明縣南分玉帶河水西流出馬號關西流入草海

又西北右納板壩河水

板壩河一支自城南中和宮後分玉帶河水爲中溝

一支自蜈蚣嶺前分玉帶河水爲豐家溝一支自柿  
花橋分玉帶河水爲板壩河竝西流至三聖菴會西  
入草海

又西北右納茨塘河水

茨塘河一名擺渡溝自柿花橋北分玉帶河水西流  
至西壩南西入草海

又北右納西壩河水

西壩河自城西雞鳴橋小澤口下分玉帶河水西流  
入草海

又北右納湧蓮河水

湧蓮河自城西北分玉帶河水西入草海

又北右納玉帶河水

玉帶河自城東南分水嶺分盤龍江水西流又分一

支西流為永暢河前見折北流至中和宮後分一支西

流為中溝後見又分一支為龍鬚河龍鬚河由垛堞間通濟橋入護城河

又西北流至蜈蚣嶺前又分一支為豐家溝前見又西

北流至柿花橋分一支西流為板壩河前見又北流分

一支西流為擺渡溝前見又北流至雞鳴橋分一支北

流為西壩河前見又自鹽店後北流至燒珠橋與護城

河會合流北過瓦倉莊至小西門西樓外右納九龍

池水九龍池一名菜海子在會城內五華山右舊名柳營為沐氏別業水由通城河流入玉帶河

又西北分一支為湧蓮河前見又西北至紅廟為魚翅

河西流至土堆西南流入滇池

草海為滇池上游一名西湖又名積波池俗名青草湖  
中有近華浦諸勝自板壩河口又西北中有一隄西通  
石鼻為明巡按傅允獻築又北納海源河水

海源河源出昆明縣西北六十里花紅洞會龍打壩  
水伏流山中十餘里至城西二十里聚仙山下湧出

東流經海源寺前分一支出左闌為東龍鬚東龍鬚自左闌

分北流經蓮花塘折東流出十字闌又東流三里為  
江滄河東流北匯馬軍南甸茨通新闌玉峰各溝水

折東南流二里過許又南分一支出右闌為西龍鬚

家闌又二里入草海西龍鬚東南流四里右會節竹寺水○節竹寺水源

出棋盤山北白龍泉一名龍淙亦曰宛轉谿兩澗至  
寺前合流東出入西龍鬚○西龍鬚又折東其正流  
南流五里至十字闌折西南流三里入草海

由中閘東流五里至板橋關又東流三里西分一支

為梁家河梁家河源出梁家營閘南流四五里至海源橋又南流六七里入草海其正

支又東南流至雞舌尖左會沙河水○沙河源自昆

明縣西北六十里清水塘南分水山中南流右會三

華山水三華山水源出三華山西南麓東流合北來一澗東入沙河又南合諸山

水經海源洞東又南於金川橋分南甸茨通水溝於

玉峰橋分新閘玉峰溝水南流合江滄河入草海又南至雞舌

尖右會海源河○兩源既會東南流入滇池

折而南至石鼻山東北右納棋盤山水

棋盤山水源出昆明縣西三十里棋盤山東南麓東

北流經三家邨東又北流至赤甲壁山北即石鼻折東

流入草海

又南經碧雞山東又南歷太華山東折東南經羅漢峰東折西南經大小鼓浪山觀音山東又南經昆陽州北諸山東至龍王廟灘爲海口

海口在昆明縣西南八十里昆陽州東北二十里外爲老埂橫塞西有牛舌洲牛舌灘又西有龍王廟洲在河心龍王廟在其上滇池當豹子山右越埂凌洲西出爲海口大河經海門邨南又西經茶埠北海口邨南北納小渡溝珥琮箐諸水南納尖山箐瓦泥箐羅武箐天自箐雲龍箐諸水又西川漸狹又西經紫廠南折西北十數里經平定哨東又北折東流又折北經九子母山東

又折西流經九子母山北過石龍壩又折北流過青魚塘又北折西流爲武趣河又折而南經武趣邨西又折西流折西北至通仙橋北左會鳴矣河水爲螳螂川

鳴矣河源出安寧州南一百二十里龍洞北流九十

餘里至雙邨右會望洋河水

望洋河源出安寧州南四十里白鶴山東北流

至雙邨折西流入鳴矣河又北流至施家莊左納利資河水利資源出舊三泊縣南南流折東北至施家莊入鳴矣河折東北流十五里至通仙

橋北入螳螂川

折東北流至天津橋南沙河東北來注之

沙河源出富民縣南清水關西南流繞昆明縣西三十里棋盤山西南麓西流經進耳山西又南流經龍



馬山東又南流經團山東又南流過天津橋南西入螳螂川

又北流迎恩橋水自東北來注之

迎恩橋水源出棋盤山西南南流經龍馬山西麓又南流經岱晟山東麓又南流至迎恩橋南西入螳螂川

又北川中有石淙明楊一清故里在其上又北經龍山聖泉東岱晟山溫泉西又北流七十里經富民縣西南折東流經富民縣東南彝札郎水自東南來注之

彝札郎水一名大營河源出昆明縣西北八十里梁王山西行牧養邨隔山西南流數十里至沙朗東左

會清水塘水

清水塘水源出昆明縣北四十里清折水塘北流至沙朗東會牧養隔山水折

西南流經天生橋伏流西出左會陡坡水

陡坡水源出昆明縣

西北三十五里三華山北牛圈哨西流折北流數十里至天生橋西北入沙朗水

又西流經

頭邨二邨三邨又西經阿夷冲南折西北流南納洞

谿水

洞谿水源出富民縣東南黃土坡南山中折西北流過洞口山至易竜邨北入阿夷冲河折西

流至彝郎閣北西入螳螂川

又折北流經富民縣東又東北至富民縣東北清水河

自西來注之

清水河源出羅次縣東南十里分水嶺東流經富民

縣西北又東至富民縣北八里入螳螂川

又北至武定州界農納水自西南來注之

農納水源出富民縣西北二十里白雲蕩山西南北  
流經山西又北流折東北至者劫關北左納西來一  
谿水又左納西北一谿水東北流入螳螂川

又北入武定州境至大彌陀掌鳩河自西北來注之

掌鳩河源出祿勸縣北二百二十里舊撒甸同知西  
北二十五里核桃箐南流三十里至上易竜爲三道  
河又南流五十里至中易竜爲二道河又南流五十  
里至下易竜爲鷓鴣河納左右谿澗之水又南流一  
百里至縣城東爲掌鳩河會西南來盤龍河水○盤  
龍河源出羅次縣白花山爲鳩水河經王名等九廠  
東北六十里至武定州城東會西來鷓鷹河水○鷓

鷹河源出武定州西乾河會鷓鷹古柏各箐水東流  
 至紅土田東繞州城入鳩水河○鳩水河既會鷓鷹  
 河為盤龍河東流下虎跳灘分一支為廣濟溝東北  
 流二十里經祿勸縣北又東過鶯子竜東入掌鳩河  
 又分一支東南流為盤龍溝經馬家莊永平吉納諸  
 邨至小緝麻東入掌鳩河其正流自虎跳灘東流至  
 祿勸縣城南又東與掌鳩河會○掌鳩河既會盤龍  
 河南流二十里至大緝麻西納冷邨河水冷邨河源出武定州  
東南石板橋會羅家莊小龍潭各箐水東流合又南  
冷邨水又東經鋪西陳至大緝麻入掌鳩河  
 至崦撥邨出獅子口又西四十里至大彌陀入普渡

河

又北東納羅衣山水又北東納花椒園南水又北有龍  
箐水西流石城邨北南合花椒園北水西流來會普渡  
河竝會各水北流其二百餘里北入金沙江

雲南水道考卷二 水又北東融於嶽圍南水又北

河故會於水北流其二百餘里北入金越山

雲南水道考卷二 水又北東融於嶽圍南水又北

河故會於水北流其二百餘里北入金越山

雲南水道考卷二 水又北東融於嶽圍南水又北

河故會於水北流其二百餘里北入金越山